



## D'Schäfferotserklärung 2017-2023

D'Opreegung vun de Wahlen am Oktober d'lescht Joer ass eriwwer, eng nei Mandatsperiod vun eisem Gemengerot huet ugefaangen... an d'Joer 2018 och!

D'LSAP Beetebuerg seet lech nach eng Kéier villmools Merci fir Äert Vertrauen a wënscht lech alles Guddes am neie Joer.

Et gétt een d'Gefill net lass, datt just eng opgewiermte Politik gemaach gétt. Och déi grouss Investissementsprojete ware scho laang bekannt a stellen dofir keng Neiegkeet duer.

Et bleift just nach ze hoffen, datt d'Erneuerung vum Quartier „Em de Bechel“ net eréischt am Joer 2023 virun den nächste Gemengewahlen ageweit gétt.

Donieft huet de Schäfferot och eng Partie Beräicher identifizéiert, wou en éischer eng passiv Roll wäert iwuerhuelen anstatt richtig Léisunge virzeschloen.

Déi nei Schäfferotserklärung gouf am Gemengerot vum 1. Dezember 2017 presentéiert.

Mir stellen lech d'Haapt-punkte vun eiser Positioun vir. Déi komplett Analyse fannt dir op eiser Internetsäit

<http://www.lsap-bettembourg.eu/>

D'LSAP, am Géigendeel, hat virgeschloen, datt de „Parking résidentiel“ sollt erweidert ginn, an hat sech och fir de Bau vun engem Parking op der Gare fir d'Awunner vun der Gemeng agesat.

ÉISCHTER EN  
NORMALE  
VERWALTUNGS-  
PROGRAMM  
OUNI POLITESCH  
AKZENTER AN OUNI  
PROGRESSISTESCH  
MESUREN

## WAT OPFÄLLT

- Den aktuelle Schäfferot ernimmt net manner wéi 29 Mesuren, déi solle **bäibehalen** oder **weidergefouert** ginn...
- De Schäfferot wëll d'**Liewensqualität** nëmmen erhalen aplaz se ze erhéijen, d'**Bausubside** bäibehalen anstatt se ze verbessern, déi **sozial Hëllef** erhalen an net revaloriséieren, d'**Schülerprämien** net adaptéieren, d'Zesummenaarbecht mat de **jumeléierte Gemengen** net verstärken, oder d'**Entwécklungshëllef** net erweideren...
- Eng Erweiterung vum **Bauperimeter** ass ausgeschloss...

**D'LSAP WÄERT SECH  
AWER WEIDERHIN  
ASETZE FIR DATT EIS  
GEMENG DÉI NÄCHST  
6 JOER NET STOË  
BLEIFT**

D'Schäfferotserklärung enthält och eng Rei Absichtserklärungen, dat heescht Projeten, déi just studéiert ginn a wahrscheinlech guer net wäerte realiséiert ginn.

Eng nei Schoul an der Peripherie vun der Uertschaft, isoléiert vum Duerfliewen, wäert mat sech bréngen datt méi Autosverkéier am Quartier „Em de Bechel“ entsteet.

Et ass och ze bedauern datt keen zousätzlechen Zentimeter "sécher" Vëlospisten ageplangt gouf, fir de ganzen Entwécklungspotenzial vun der Mobilité douce ze erméiglechen.

D'Koalitioun limitéiert sech op dat absolut Noutwendegt a wäert näischt upake wat eventuell kéint kritiséiert ginn.

Am Sënn vun enger konstruktiver Oppositionspolitik invitéiert d'LSAP-Fraktioun de Schäfferot, fir an Zukunft d'Opposition schonn am Ufank vum Ausschaffe vu gréissere Projeten ze implizéieren.



*Roby Biwer, Patrick Hutmacher, Marco Estanqueiro, Sylvie Jansa, Guy Frantzen, Claude Fournel*

## AGENDA :

Mëttwochs, de 14. Mäerz 2018 um 19h30

**Assemblée Générale**  
am Schlass zu Beeteburg

✉ [lsapbeeteburg@gmail.com](mailto:lsapbeeteburg@gmail.com)

📘 [LsapBeeteburg/](https://www.facebook.com/LsapBeeteburg/)

🌐 <http://www.lsap-bettembourg.eu>